



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-3-40-533-14/21**
Datum: **03.06.2022. god**

«Agencija za vodno područje rijeke Save» Sarajevo, rješavajući po zahtjevu pravnog lica IM «SEMIĆ» d.o.o. Visoko za donošenje Rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje tehnoloških otpadnih voda u recipijent sa lokaliteta objekta klaonice sa depoom za privremeni smještaj stoke izgrađen u naselju Dobrinje, grad Visoko, na osnovu člana 121. stav (3) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99) donosi

ZAKLJUČAK

Odbacuje se zahtjev pravnog lica IM «SEMIĆ» d.o.o. Visoko za donošenje Rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje tehnoloških otpadnih voda u recipijent sa lokaliteta objekta klaonice sa depoom za privremeni smještaj stoke izgrađen u naselju Dobrinje, grad Visoko, zbog nepotpunosti dokumentacije i smatra se kao da nije ni podnesen.

Obrazloženje

Pravno lice IM «SEMIĆ» d.o.o. Visoko, zahtjevom zaprimljenim dana 04.11.2021. godine zatražilo je izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje tehnoloških otpadnih voda u recipijent sa lokaliteta objekta klaonice sa depoom za privremeni smještaj stoke izgrađen u naselju Dobrinje na zemljištu označenom kao k.č. broj: 160 K.O. Dobrinje, grad Visoko.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-20-000813 izdatog dana 27.03.2020. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 28.02.2012. godine od strane Porezne uprave Federacije BiH - Kantonalni porezni ured Zenica,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-35-414-14/10 izdatog dana 10.11.2010. godine od strane Uprave za indirektno-neizravno oporezivanje Banja Luka,
- Ovjerena kopija Rješenja o ispunjavanju propisanih veterinarsko-zdravstvenih uslova broj: 05-20-2994-1/20 izdatog dana 02.06.2020. godine od strane Ministarstva za poljoprivredu, šumarstvo i vodoprivredu Zeničko-dobojskog kantona (izdato za Objekat za klanje papkara vlasnika Šefko Hodžić kojeg koristi IM «SEMIĆ» d.o.o. Visoko),
- Glavni projekat (arhitektura i instalacije) za Klaonicu vl Hodžić Šefko urađen od strane «PERSPEKTIVA» d.o.o. Visoko, juli 2007. godine – na uvid,
- Ovjerena kopija Rješenja o upotrebi građevine broj: 12-23-3792/07 izdatog dana 07.01.2008. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Ovjerena kopija Ugovora o zakupu objekta za klanje zaključenog dana 14.12.2020. godine između Hodžić (Husein) Šefko i Industrija mesa «SEMIĆ» d.o.o. Visoko,
- Kopija Ugovora o deponovanju animalnog otpada zaključenog dana 02.08.2017. godine između JP «VODOKOM» d.o.o. Kakanj i Industrija mesa «SEMIĆ» d.o.o. Visoko (prilog-računi broj: 14746; 14786, 14742),
- Kopija Rješenja broj: UP1-14-21-2-05171/2021-028-8-P izdatog dana 23.09.2021. godine od strane Federalne uprave za inspekcijske poslove – Vodna inspekcija,
- Ovjerena kopija Rješenja broj: 12-19-2085-1/20 izdatog dana 12.03.2020. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog

kantona (potvrđuje se da je na snazi Rješenje o upotrebi građevine broj: broj: 12-23-3792/07 od 07.01.2008. godine),

- Dokaz o uplaćenju upravnoj taksi.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-533-3/21 od 08.12.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni objekat izgrađen u naselju Dobrinje, grad Visoko izdat je pod zakup od strane Hodžić (Husein) Šefke iz Sarajeva preduzeću IM «SEMIĆ» d.o.o. Visoko (potpisan Ugovor o zakupu dana 14.12.2020.).

Za isti nije izgrađen sistem prikupljanja i tretmana tehnoloških otpadnih voda nastalih u postupku klanja stoke kako je predviđeno izvedbenim projektom urađenim jula 2007. godine od strane «Perspektiva» Visoko. Navedenim projektom nije obrađen segment prikupljanja otpadnih voda iz objekta za boravak životinja prije klanja niti način zbrinjavanja krutog otpada iz istog.

U skladu sa članom 26. stav (2), (3) i (4) Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20) a u cilju nastavka vođenja postupka i donošenja odgovarajućeg vodnog akta, dopisom broj: UP-1/21-3-40-533-4/21 od 14.12.2021. godine zatraženo je da podnosilac zahtjeva dostavi sljedeće:

- Investiciono tehničku dokumentaciju - Glavni projekat sistema za prikupljanje i tretman otpadnih voda kojim će se detaljno razraditi buduće stanje predmetnog objekta kao i sa depoom za smještaj stoke koje se odnosi na segment otpadnih voda nastalih u postupku klanja stoke i prerade mesa, načina prikupljanja i zbrinjavanja krvi ali i otpadnih voda nastalih u depou za stoku što uključuje i zbrinjavanje krutog otpada.
- Dinamički plan koji obavezno treba da sadrži:
 - Spisak aktivnosti i mjera sa finansijskom procjenom za ulaganje (za svaku narednu godinu razrađeno po godinama) i smanjenje emisija sa predviđenim završetkom aktivnosti predviđenih projektom
 - Rokove u kojima će pravni subjekt realizirati pojedine aktivnosti te rok u kome se moraju realizirati svi radovi (predviđeni projektom) na sistemu za prikupljanje i tretman otpadnih voda.

Kako podnosilac zahtjeva nije u potpunosti dopunio svoj zahtjev ni nakon četiri produženja roka za dostavu dopisom tražene dokumentacije, kao ni do dana donošenja ovog Zaključka, to je u skladu sa članom 121. stav (3) Zakona o vodama i člana 218. stav (2) Zakona o upravnom postupku riješeno kao u dispozitivu ovog Zaključka.


Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata

Hariš Ališehović, dipl.ing.građ.

Dostaviti:

- IM «SEMIĆ» d.o.o. Visoko
Industrijska zona Ozrakovići bb, 71300 Visoko
- AVP Sava, ISV – vodna knjiga
- ☉ Sektor 40 – arhiva
- Sektor 50
- Oglasna ploča – AVP Sava